

KVENNALISTINN PIPRAR

Alp. bl. 8. 11. '88

Landsfundur Kvinnalistas var haldinn um helgina á Lýsuhóli á Snæfellsnesi. Samkvæmt fréttum hefur þetta verið nokkuð fjörugur fundur, leikfimi iðkuð með hoppi milli ræða, og mikil stemmning eins og sagt er. Á Lýsuhóli voru fluttar misgóðar ræður eins og gengur og gerist á landsfundum stjórnmálaflokka. Sú athyglisverðasta var flutt af Kristínu Ástgeirsdóttur sem hefur uppgötvað það sem þjóðin hefur vitað fyrir löngu, að Kvinnalistinn er ekki sérlega trúverðugur pólitískur söfnuður, að konurnar hafi verið illa búnar undir viðræður um þátttöku í ríkisstjórn og þær þyki ekki ýkja ábyrgar í stjórnmálum. Í ræðu sinni gerði Kristín Ástgeirsdóttir það að umtalsefni, að stór hluti af störfum Kvinnalistas fælist í að kynna starfsemina erlendis, og því væri lítill tími aflögu til að skipuleggja starfið heima fyrir. Stöðugar boðsferðir til útlanda tækju tíma og þrek kvennanna og þar hafi vegið þyngst kvennaráðstefnan mikla í Osló í ár. Niðurstaðan er sú að dómi Kristínar, að Kvinnalistinn er illa undirbúinn og illa skipulagður til að taka þátt í alvöru pólitík á Íslandi. Kristín benti ennfremur á, að Kvinnalistinn velti sér upp úr sjálfumgleði vegna glæsilegra talna í skoðanakönnunum og að ímyndinni væri eitthvað farið að hraka vegna þess að Kvinnalistinn segði alltaf nei, og vildi ekki axla ábyrgð. Það verður að teljast til tíðinda, að Kvinnaliskonur séu farnar að uppgötva að það er ekki hægt að uppskera endalausar vinsældir með því að segja nei og aftur nei við kröfum kjósenda að flokkur axli ábyrgð. Það eru ákveðin tímamörk sem þolinmæði kjósenda eru sett fyrir slíku skirlífi. Aðdáun á dyggð jómfrúa endist til dæmis ekki til eillíðar. Jómfrú sem heldur áfram að vera jómfrú fram eftir aldri, verður ekki eftirsóknarverð jómfrú; hún verður piparkerling. Og það er náttúrulega það sem Kvinnalistinn er að verða; sjálfumglöð piparkerling. Og sjálfumglöðar piparkerlingar eru ekki ýkja eftirsóknarverðar.

Vinsældir Kvinnalistas hafa farið vaxandi frá síðustu kosningum samkvæmt skoðanakönnunum en sú mikla uppsveifla er nú aftur að hjaðna. Skýringin er einföld; almenningur í landinu hefur fyrir löngu uppgötvað sannindin sem Kristín Ástgeirsdóttir flutti kynsystrum sínum á Lýsuhóli um helgina. Flokkur sem neitar í tvígang að taka þátt í stjórnsamstarfi er ekki trúverðugur. Flokkur sem byggir á kynjafordómum og útilokar annað kynið frá þátttöku er hvorki lýðræðislegur né trúverðugur. Flokkur sem litur á stjórnmál sem félagslega afþreyingu og útrás fyrir óánægju er og verður pólitískur saumaklúbbur. Flokksfundur sem stekkur hæð sína af fögnuði þegar ein saumakonnan ber fram tillögu um þegnaskylduvinnu karlmanna, er og verður grínsamkoma. Allt er þetta skemmtilegt og sniðugt, og mikið gaman hjá stelpunum. En þessi uppákoma á ekkert skylt við ábyrg stjórnmál. Og almenningur er farinn að þreytast á gríninu. Kvinnalistinn piprar.